

Headline	RM43j biaya program pembangunan sukan IPT		
MediaTitle	Harian Metro		
Date	14 Feb 2012	Color	Full Color
Section	Setempat	Circulation	324,097
Page No	10	Readership	1,981,000
Language	Malay	ArticleSize	154 cm ²
Journalist	N/A	AdValue	RM 5,666
Frequency	Daily	PR Value	RM 16,998



RM43j biaya program pembangunan sukan IPT

PUTRAJAYA: Kementerian Pengajian Tinggi (KPT) memperuntukkan sejumlah RM43 juta untuk membiayai program pembangunan dan pembudayaan sukan di institusi pengajian tinggi (IPT) termasuk penawaran biasiswa dan dana penyelidikan sukan.

Menteri Pengajian Tinggi, Datuk Seri Mohamed Khaled Nordin berkata, peruntukan itu sebagai komitmen kementerian untuk terus meningkatkan kecemerlangan sukan di IPT, sekali gus mengharumkan nama negara di mata dunia dalam bidang sukan.

Menurutnya, penawaran biasiswa kepada atlet IPT melalui peruntukan itu adalah satu bentuk galakan dan sokongan kepada mereka yang berprestasi cemerlang dan berpotensi besar dalam bidang sukan.

“Tahun lalu seramai 178 atlet sudah ditawarkan untuk menerima biasiswa KPT dengan peruntukan RM10 juta, sementara tahun ini KPT merancang untuk menawarkan pemberian biasiswa kepada 200 atlet IPT baru yang cemerlang dengan anggaran peruntukan juga RM10 juta,” katanya pada Majlis Anugerah Kecemerlangan Sukan KPT di sini, semalam.

Hadir sama, dua timbalannya, Datuk Dr Hou Kok



MOHAMED KHALED...terus mantapkan bidang sukan

Chong dan Datuk Saifudin Abdullah serta Ketua Setiausaha KPT, Datuk Ab Rahim Md Noor.

Pada majlis itu, Mohamed Khaled menyampaikan biasiswa kepada 178 atlet IPT dan anugerah kepada atlet yang berjaya membawa pulang pingat pada Sukan Sea 2011, selain melancarkan Jurnal Sukan KPT dan e-jurnal bertajuk ‘Movement Health and Exercise (MHE).

Beliau turut menyerahkan dana penyelidikan berjumlah RM475,000 kepada tiga penyelidik iaitu Prof Madya Wan Aasim Wan Adnan dari Univeristi Sains Malaysia; Dr Mohamed Najib Salleh (Universiti Utara Malaysia) dan Prof Dr Zahari Taha (Universiti Malaysia Pahang).

Mohamed Khaled berkata, sejak inisiatif dana penyelidikan diperkenalkan pada 2007, KPT sudah menyalurkan peruntukan sebanyak RM1.4 juta untuk merencanakan lagi aktiviti penyelidikan dan pembangunan dalam bidang sukan oleh universiti tempatan.